

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савет*

**MIŠLJENJE**

**po zahtjevu privrednog subjekta Athabasca Investment d.o.o. Tomislavgrad**

**Sarajevo,  
decembar 2018. godine**



Broj: 01-26-7-016-2/18  
Sarajevo, 27.12.2018. godine

Na osnovu člana 25. stav (1) tačka c) i f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenja privrednog subjekta Athabasca Investment d.o.o. Tomislavgrad, Malog Marijana bb, 80240 Tomislavgrad, Konkurencijsko vijeće Bosne i Hercegovine na 43. (četrdesettrećoj) sjednici održanoj dana 27. decembra 2018. godine, donijelo je

### **MIŠLJENJE**

Privredni subjekt Athabasca Investment d.o.o. Tomislavgrad, Malog Marijana bb, 80240 Tomislavgrad, (u daljem tekstu: Athabasca Investment ili Podnosilac zahtjeva), dana 19.12.2018. godine pod brojem: 01-26-7-016-1/18, podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za mišljenje u pogledu obaveze prijave koncentracije i datuma nastanka iste (u daljem tekstu: Zahtjev).

Zahtjevom se traži mišljenje o postojanju obaveze prijave koncentracije privrednog subjekta Athabasca Investment i privrednog subjekta Pro Consulting d.o.o. Sarajevo (u daljem tekstu: Pro Consulting) sa privrednim subjektom Saniteks d.d. Velika Kladuša (u daljem tekstu: Saniteks), s obzirom da privredni subjekt Saniteks ne ostvaruje promet veći od 8.000.000 KM i ne zauzima tržišno učešće u visini od 40%.

Pored toga, Podnosilac zahtjeva traži da ukoliko postoji obaveza prijave koncentracije, Konkurencijsko vijeće da svoje mišljenje o tome koji je datum mjerodavan kao trenutak nastanka obaveze podnošenja prijave koncentracije.

U Zahtjevu se u bitnom navodi sljedeće:

- Privredni subjekt Athabasca Investment sa 29,4918% i Pro Consulting sa 4,8970%, vlasnici su dionica u privrednom subjektu Saniteks;
- Rješenjem Komisije za vrijednosne papire FBiH broj: 04/1-19-320/18 od 16.11.2018. godine utvrđeno je zajedničko djelovanje privrednih subjekata Athabasca Investment i Pro Consulting kod preuzimanja privrednog subjekta Saniteks, kao i postojanje obaveze objave ponude za preuzimanje istog;
- Privredni subjekt Athabasca Investment je dana 06.12.2018. godine u dva dnevna lista objavio namjeru za preuzimanje privrednog subjekta Saniteks.

Konkurencijsko vijeće je na osnovu analize podataka iz Zahtjeva, prilikom izrade ovog mišljenja uzelo u obzir odredbe člana 14. stav (1) i člana 16. stav (1) Zakona o konkurenciji (u daljem tekstu: Zakon), kao i odredbe člana 2. Odluke o načinu podnošenja prijave i kriterijima za ocjenu koncentracija privrednih subjekata ("Službeni glasnik BiH", br. 34/10)(u daljem tekstu: Odluka).

Član 14. stav (1) Zakona propisuje uslove kada su učesnici koncentracije obavezni prijaviti koncentraciju:

*"Namjeravanu koncentraciju privrednih subjekata, iz člana 12. stav (1) ovog zakona, učesnici koncentracije su obavezni prijaviti, i to kada su ispunjeni sljedeći uslovi:*

*a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i*

*b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihovo zajedničko učešće na relevantnom tržištu veće od 40%."*

Član 2. Odluke pojašnjava član 14. stav (1) Zakona i glasi:

*"Namjeravanu koncentraciju privrednih subjekata iz člana 12. Zakona, učesnici koncentracije su obavezni prijaviti i to:*

*a) privredni subjekti sa sjedištem i prebivalištem u inostranstvu ukoliko su ispunjeni uslovi iz člana 14. tačke a) i b) Zakona, i*

*b) privredni subjekti sa sjedištem i prebivalištem u Bosni i Hercegovini ukoliko su ispunjeni uslovi iz člana 14. tačka b) Zakona."*

Član 16. stav (1) Zakona propisuje u kom vremenskom roku su učesnici koncentracije obavezni prijaviti koncentraciju:

*"Privredni subjekti, učesnici koncentracije obavezni su podnijeti prijavu koncentracije u smislu čl. 12. i 14. ovog Zakona, u roku od 15 dana od dana zaključenja sporazuma, objavljivanja javne ponude dionica ili sticanja kontrole, zavisno od toga šta nastupi ranije"*

Konkurencijsko vijeće daje mišljenje u skladu sa navedenim odredbama, a na osnovu podataka Podnosioca zahtjeva, koji su u ovom slučaju dati okvirno i bez preciziranja.

Konkurencijsko vijeće smatra da ukoliko je privredni subjekt Saniteks na tržištu Bosne i Hercegovine ostvario ukupan prihod manji od 8.000.000 KM po završnom računu u 2017. godini i ako je pri tom zajedničko učešće svih učesnika u koncentraciji na relevantnom tržištu manje od 40%, onda nije ispunjen uslov za obaveznu prijavu koncentracije.

U suprotnom, privredni subjekti Athabasca Investment i Pro Consulting bi bili obavezni da u roku od 15. dana od dana objavljivanja javne ponude dionica ili sticanja kontrole, zavisno od toga šta nastupi ranije, podnesu prijavu koncentracije.

Ovo mišljenje je dato isključivo na osnovu podataka dostavljenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**Adisa Begić**

**Dostaviti:**

- **Podnosiocu zahtjeva**
- **u spis**
- **arhiv Konkurencijskog vijeća**